

# Rakyat diseru berusaha sungguh2 Sikap malas bekerja bahaya—Dr M

ALOR SETAR, Jumaat — Timbalan Perdana Menteri, Datuk Seri Dr. Mahathir Mohamad malam tadi mengingatkan rakyat tentang betapa merbahayanya mengambil sikap "malas bekerja".

Katanya, sikap itu akan membuat negara menjadi lemah dan mundur serta "tidak dihormati oleh negara-negara lain".

Bahan asal dari Arkib  
Negara Malaysia

No Siri .....	2244
No Penerimaan .....	420/82

Berucap di majlis jamuan rasmi negeri bagi meraikan lawatan beliau di Balai Besar di sini, Datuk Seri Dr. Mahathir berkata, "Kita tidak boleh membiarkan rakyat mengambil sikap begitu."

"Kita mesti bekerja keras untuk memajukan negara kita dan jika kita sanggup berbuat demikian, kita akan dapat mengatasi berbagai masalah ekonomi dan sosial," katanya.

Datuk Seri Dr. Mahathir berkata, Kerajaan sedang berusaha memperkuat lagi kedudukan ekonomi dan sosial dengan meningkatkan projek-projek pembangunan.

## Cabaran

"Bagaimanapun, rakyat mesti menyokong dan bekerjasama dengan Kerajaan untuk memastikan projek-projek pembangunan itu dilaksanakan dengan berjaya," tambahnya.

Datuk Seri Dr. Mahathir yakin, Malaysia boleh menghadapi apa jua cabaran memandangkan kedudukan ekonomi dan politiknya yang kuat.

Seterusnya beliau berkata, Malaysia akan dapat membangun lebih pesat lagi dalam berbagai bidang jika tidak di seluruh dunia sekurang-kurangnya di negara-negara lain.

"Malaysia hari ini sudah terkenal di berbagai bidang khususnya di bidang perniagaan," katanya.

Menurutnya, negara ini mengeksport sebahagian besar dari minyak kelapa sawit, bijih timah, alat-alat elektronik dan sebagainya.

Negara-negara yang mengimport barang-barang Malaysia, tegasnya, bergantung kepada negara ini sekarang.

"Kita harus menggunakan kuasa tersebut supaya negara ini lebih maju dan kukuh di bidang ekonomi," ujarnya.